


徑山藏版



明 版

嘉興大藏經

第三十冊

新文豐出版公司印行

中華民國七十六年四月台一版

版權

所有



明版
嘉興大藏經

精裝全四十冊基價一、〇〇〇元正

版藏者 徑山 藏版
發行人 高 本 釗
發行所 及 新文豐出版股份有限公司
印刷所

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五二九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

明版

嘉興大藏經第一二三冊目錄



二 大方廣佛新華嚴經合論一百二十卷 唐實叉難陀譯 李通玄論 志寧釐經合論……………一

序……………一

論主李長者事迹……………二

目錄……………三

卷一 會釋……………六

卷二 會釋……………一二

卷三 會釋……………一八

卷四 會釋……………二三

卷五 會釋……………二九

卷六 會釋……………三五

卷七 會釋……………四一

卷八 世主妙嚴品第一之一……………四六

卷九 世主妙嚴品第一之二……………五一

卷一〇 世主妙嚴品第一之三……………五六

卷一一 世主妙嚴品第一之四……………六一

卷一二 世主妙嚴品第一之五……………六六

卷一三 世主妙嚴品第一之六……………七一

卷一四 世主妙嚴品第一之七……………七七

卷一五 世主妙嚴品第一之八……………八二

卷一六 世主妙嚴品第一之九……………八八

卷一七 世主妙嚴品第一之十……………九四

卷一八 如來現相品第二……………九八

卷一九 如來現相品第二之餘……………一〇三

卷二〇 普賢三昧品第三……………一〇六

卷二一 世界成就品第四……………一〇八

卷二二 華藏世界品第五之一……………一四

卷二三 華藏世界品第五之二……………二〇

卷二四 華藏世界品第五之三……………二四

卷二五 毘盧遮那品第六……………三〇

卷二六 佛名號品第七……………三五

卷二七 佛名號品第七之餘……………四〇

卷二八 四聖諦品第八……………四五

卷二九 光明覺品第九……………四八

卷三〇 光明覺品第九之餘……………五一

卷三一 菩薩問明品第十……………五三

卷三二 菩薩問明品第十之餘……………五七

卷	三〇	賢首品第十二之二	一六三	卷	四五	十迴向品第二十五之四	二五〇
卷	三一	賢首品第十二之三	一六九	卷	四六	十迴向品第二十五之五	二五六
		昇須彌山頂品第十三	一七一	卷	四七	十迴向品第二十五之六	二六一
		須彌頂上偈讚品第十四	一七三	卷	四八	十迴向品第二十五之七	二六六
卷	三二	須彌頂上偈讚品第十四之餘	一七五	卷	四九	十迴向品第二十五之八	二七二
		十住品第十五	一七八	卷	五〇	十迴向品第二十五之九	二七七
卷	三三	十住品第十五之餘	一八〇	卷	五一	十迴向品第二十五之十	二八一
卷	三四	梵行品第十六	一八六	卷	五二	十迴向品第二十五之十一	二八七
		初發心功德品第十七	一八七		五三	十迴向品第二十五之十二	二九三
卷	三五	初發心功德品第十七之餘	一九二	卷	五四	十地品第二十六之二	二九八
		明法品第十八	一九五	卷	五五	十地品第二十六之三	三〇三
卷	三六	明法品第十八之餘	一九八	卷	五六	十地品第二十六之四	三〇八
		昇夜摩天宮品第十九	二〇二	卷	五七	十地品第二十六之五	三一三
卷	三七	夜摩天宮偈讚品第二十	二〇四	卷	五八	十地品第二十六之六	三二〇
		十行品第二十一	二〇七	卷	五九	十地品第二十六之七	三二五
卷	三八	十行品第二十一之餘	二一一	卷	六〇	十地品第二十六之八	三三〇
卷	三九	十無盡藏品第二十二	二一七	卷	六一	十地品第二十六之九	三三六
卷	四〇	昇兜率天宮品第二十三	二二一	卷	六二	十地品第二十六之十	三四二
卷	四一	昇兜率天宮品第二十三之餘	二二七	卷	六三	十地品第二十六之十一	三四七
卷	四二	兜率天宮偈讚品第二十四	二三二	卷	六四	十地品第二十六之十二	三五三
		十迴向品第二十五之一	二三六	卷	六五	十地品第二十六之十三	三五九
卷	四三	十迴向品第二十五之二	二三八	卷	六六	十地品第二十六之十四	三六四
卷	四四	十迴向品第二十五之三	二四四	卷	六七	十地品第二十七之一	三七〇
				卷	六八	十地品第二十七之二	三七五

卷	六九	十定品第二十七之三……三八〇	卷	八六	離世間品第三十八之六……四七〇
卷	七〇	十定品第二十七之四……三八五	卷	八七	離世間品第三十八之七……四七五
卷	七一	十定品第二十七之五……三八九	卷	八八	入法界品第三十九之一……四八一
卷	七二	十通品第二十八……三九三	卷	八九	入法界品第三十九之二……四八六
卷	七三	十忍品第二十九……三九五	卷	九〇	入法界品第三十九之三……四九三
卷	七四	阿僧祇品第三十……四〇〇	卷	九一	入法界品第三十九之四……四九八
卷	七五	壽量品第三十一……四〇四	卷	九二	入法界品第三十九之五……五〇四
卷	七六	菩薩住處品第三十二……四〇四	卷	九三	入法界品第三十九之六……五〇八
卷	七七	佛不思議法品第三十三之一……四〇六	卷	九四	入法界品第三十九之七……五一四
卷	七八	佛不思議法品第三十三之餘……四一二	卷	九五	入法界品第三十九之八……五一九
卷	七九	如來十身相海品第三十四……四一四	卷	九六	入法界品第三十九之九……五二四
卷	八〇	如來十身相海品第三十四之餘……四一七	卷	九七	入法界品第三十九之十……五二九
卷	八一	如來隨好光明功德品第三十五……四一九	卷	九八	入法界品第三十九之十一……五三四
卷	八二	如來隨好光明功德品第三十五之餘……四二二	卷	九九	入法界品第三十九之十二……五三八
卷	八三	普賢行品第三十六……四二三	卷	一〇〇	入法界品第三十九之十三……五四三
卷	八四	如來出現品第三十七之一……四二八	卷	一〇一	入法界品第三十九之十四……五四七
卷	八五	如來出現品第三十七之二……四三四	卷	一〇二	入法界品第三十九之十五……五五三
卷	八六	如來出現品第三十七之三……四四〇	卷	一〇三	入法界品第三十九之十六……五五八
卷	八七	離世間品第三十八之一……四四六	卷	一〇四	入法界品第三十九之十七……五六三
卷	八八	離世間品第三十八之二……四五二	卷	一〇五	入法界品第三十九之十八……五六八
卷	八九	離世間品第三十八之三……四五六	卷	一〇六	入法界品第三十九之十九……五七四
卷	九〇	離世間品第三十八之四……四六〇	卷	一〇七	入法界品第三十九之二十……五七八
卷	九一	離世間品第三十八之五……四六五	卷	一〇八	入法界品第三十九之二十一……五八三
卷	九二		卷	一〇九	入法界品第三十九之二十二……五八七
卷	九三		卷	一一〇	入法界品第三十九之二十三……五九二

卷一一一	入法界品第三十九之二十四：五九七	卷一一六	入法界品第三十九之二十九：六二一
卷一一二	入法界品第三十九之二十五：六〇二	卷一一七	入法界品第三十九之三十：六二五
卷一一三	入法界品第三十九之二十六：六〇六	卷一一八	入法界品第三十九之三十一：六三〇
卷一一四	入法界品第三十九之二十七：六一一	卷一一九	入法界品第三十九之三十二：六三五
卷一一五	入法界品第三十九之二十八：六一六	卷一二〇	入法界品第三十九之三十三：六三九



大方廣佛華嚴經合論序

宋沙門慧研奉 王旨撰

夫法界之真源也濬十重之藏海涌萬德之華王體用齊彰身刹互合於影像果因相入智悲交煥於靈真原其無性妙光若金波而粲影幻生齊應同眾水以分形良由譬循一照之精明條晦千光之圓鑒返認創成於心體雲點太清依心發動於輪迴波搖王海故我毗盧遮那如來愍乎寢惑布以身雲於一切法而坐道場於一切智而成正覺說此大方廣佛華嚴經也緣是即開淨之境界統華藏之莊嚴星羅於

五位神天鏡寫於十方刹海形宮紺殿含莫限之勞生玉樹金臺誕微塵之佛子一念未移於蓮座九天同發於雷音神光開十會法門寶澤潤三周因果故此經初世主雲集同心嘿請有三十七問備陳禮用因果法門則一部雄文之宗極也謂藏身為體行海為用以體起用斷習為因以用全體習盡為果中有神通之義心境互彰者則明因果相入體用一揆是以從心念法明體起用則菩薩神通從境宣音明用全體則佛神通成諸妙門同歸此問若夫法無宗旨入莫准憑爰彰古佛之果因以顯今人之證信是以

初會世尊光騰結齒海眾雲舒則示乎果也次乃玉毫相中誕諸佛子則示乎因也後以普賢承威宣華藏海則因全果也然以毗盧印之則明古佛果因總答前法又以智海無性因覺妄而成凡達妄原虛即凡心而見佛故第二會普光明殿以佛果為凡心信因三會妙峯山凡心相盡成佛住四會夜摩天以智從用成佛行五會兜率天智行相入成佛迴向六會他化天自他同體成佛地七會三禪天智行清淨成佛華八會普光明殿自因成果為佛出現九會普光明殿因果圓融即普賢常行十會給孤園諸位齊明

華嚴經合論序

二

同彰法界此則發心因果總答前法次復圓悟一真恐迷修進不盡千門之惑習焉成萬行之智悲故以普財特行軌範初參文殊佛智信因南詢諸友發行治習入慈氏閣習盡成果再面文殊因果同時便見普賢法界原行此顯修進行門一周因果良以三周十會之玄稱三十七義之指歸一字法門書海墨而無盡二乘權學諒涯涘而莫窮故此教非具嚴所編乃文殊結集總三部一部有十三大千世界微塵數偈一四天下微塵數品一部有四十九萬八千八百偈一千二百品一部有十萬偈四十八品隱乎龍

藏未擅聞淨逮從正法光餘年將五百則第十四代祖師龍樹運神海藏觀前二部非世人所及乃誦後部歸于五天傳布千年方垂華夏東晉初譯地涌靈泉唐朝次翻天降甘露玄宗開元中太原有逸士李通玄者間代淨名也而神鑒物表陶情釋氏因閱華嚴義疏嘆云大教弘芳多家繁製勞文白首豈暇進修遂窮八十卷之真詮總括四十軸之玄論夜驅神筆舒玉齒之祥光日探幽玄感天童之給饌張皇教海羅列義天大中載無諸有高僧志寧緬思後進之披尋難測法門之豐富遂合經論文旨相須然其義

華嚴經合論序

三

類繁衍未圓品藻慧研因參雲水叨覽指歸敢搢賤宅整斯漏略列經論以標舉彰教理而相收義朗文清不假倪臺而抱帙神輝智發何勞驚嶺以尋師總閱一部一百二十卷粵有報恩光教道場正覺空慧禪師永安傳心祖印味道華嚴仰聞 王旨以傾金闕印傳通而廣益慧研虔膺制命俾序真文輒述大綱深慙麗則所冀長光佛日將兩曜以齊明永贊金輪等二儀而遠大時龍集乾德歲旅丁卯蕤賓之月望日序

大方廣佛華嚴經合論序

唐福州開元寺沙門志寧述

邈矣曠古太素為混沌之先存而不論道為一生之始洪儒之子浴歸沂水之濱周聖孔明樂在先王之治安有得於太空之量現法界於一塵之中耘除始終莫彼生滅太虛不能齊量無為猶是假名常用而常無居有而非有華嚴經者蓋非羅漢結集亦非小聖傳持大本華嚴非佛不能知見中本華嚴住地菩薩力能知之小本華嚴即十萬之偈今之所傳只獲四萬五千餘偈即八十卷經是也此華嚴經集經

云此經不入二乘人手若無大心凡夫此之法門即當散滅經有十玄六相義如結綰衆絲帝網天珠重重各有條貫談端舉一則萬類齊歸義海千殊爛如星布以緣生爲旨以法界性爲宗法身與報化同時體用別無二相以華嚴爲遊履以菩提心爲家以萬德萬行爲家業以文殊爲種智以普賢爲行華以毗盧遮那爲結果之身以四十二位而爲眷屬演則彌綸法界卷則巨海毛端會萬象難以云多入塵毛尚有餘地圓融行布理事互參行布圓融主伴交現如斯金之杖一卽是多如斷杖之金多卽是一隨觀一

境四種法界圓頓現前一地初登百門妙義聯綿俱集證趣七地功用方休八地定力轉深起智還由諸佛風帆旣便任運而行其勢不停直至法雲之地會中十地普眼初遊未見普賢佛前大智十大聲聞不親逝多之勝事良由發心既小大願未圓等覺妙覺現前爾乃二愚方盡此經法界無始無終佛身非有成與不成大智無滅無生常以利人爲本普慧二百大問普賢二千法訓法界性本如如出沒卷舒自在經云如人化心化作佛化與不化等無善財童子成道一切諸佛成菩提成與不成無差別善財童子成道只在生六千比丘發智不由多劫白牛之駕將

悟卽以超於大乘金色世界現前文殊之智全證法華龍女成佛只在剎那妙峯見佛光明初住便登正覺但隨圓見因取漸修頓悟只在剎那如牛食肥膩之草大唐所代之間有長者姓李號通玄其實異人莫知來處造斯經論四十卷成彼有記云猛虎馱經引於巖下下筆之後常得天人餉食乃至論終身亦去世後人獲其遺本傳寫流行其論所明與諸家疏義稍有差別經有十處十會義搜環珞經文兩卷是四十品之妙文又在第三禪說十十以爲圓數豈合只有三十九品之文恐是梵本翻譯之時有所流落

今尋經見義又似貫花甘露澤流猶如瓶寫去聖懸遠誰復證明十萬之途孰能往檢亦如生公忍死清辯留身後若勘同方知義在普光明殿三會豈乃成三善財福城之東良亦成其會數志寧雖不親觀造論皆憑人世感傳覽此論文稍似得其大意今見此方君子好善之流以論與經難爲和會志寧不揆衰邁才無能爲今將論文注於經下使後之覽者無費乃心纔始開經便得見論指首諸佛毗盧遮那一切聖賢願垂加護論從第八卷起註入經兼論與經共成一百二十卷願諸達士罔有怪焉論有會釋七卷

不入註文今亦寫附於初矣

大方廣佛新華嚴經合論

六

釋大方廣佛新華嚴經論主李長者事迹
李長者諱通玄莫詳所自或有詢其本者但言涪州人開元二十七年三月望日曳策荷笈至于太原孟縣西四十里同穎鄉村名大賢有高山奴者尚德慕士延納無倦長者徑詣其門山奴諦瞻神儀知非常器遂整折禮接請歸安居每旦唯食糗十顆柏葉餅于如匕大者一枚自爾不交外人掩室獨處合毫歸紙曾無虛時如是者三稔一旦捨山奴南去五六里至馬氏古佛堂自構土室寓于其側端居宴默于茲十年後復囊挈經書遵道而去二十里餘次韓氏別

業卽今冠蓋村焉忽逢一虎當塗馴伏如有所待長者語之曰吾將著論釋華嚴經可與吾擇一棲止處言畢虎起長者徐而撫之遂將所挈之囊挂于虎背任其所止於是虎望神福山原直下三十餘里當一土龕前便自蹲駐長者旋收囊裝置於龕內虎乃屢顧安尾而去其龕瑩潔圓迴廣袤尋丈自然而有非人力成龕之四旁舊無泉澗長者始來之夕風雷暴作拔去一古松高三百餘尺及旦松根之下化爲一潭深極數尋迴還五十餘步甘逾瑞露色奪琉璃時人號爲長者泉至今澄明未曾增減德陽之歲祈之

必應長者製論之夕心窮玄奧口出白光照耀龕中以代燈燭居山之後忽有二女子容華絕世皆可并年俱衣大布之衣悉以白巾幪首姓氏居處一無所言常爲長者汲水焚香供給紙筆卯辰之際輒具淨饌甘珍畢備置長者前齋罷徹器莫知所止歷于五祀曾不闕時及其著論將終遂爾絕迹謹按華嚴舊傳東晉三藏佛跋陀羅於江都謝司空寺譯經有二青衣童子忽自庭沼而出承事梵僧焚香添薪不離座右每欲將夕還潛沼中日日皆然率爲常事及譯畢寫淨沉黙無迹長者感通事符曩昔長者身長七尺二寸廣眉朗目丹唇紫肥長髯美茂修臂圓直髮彩紺色毛端右旋質狀無倫風姿特異殊妙之相靡不具足首冠樺皮之冠身披麻衣長裙博袖散腰而行亦無羣帶居常跣足不務將迎放曠入天無所拘制忽一日出山訪舊止之里適值野人聚族合樂長者偏語之曰汝等好住吾將欲歸衆乃罷樂驚惶相顧咸皆惻愴必謂長者卻還涪州揮涕同詞懇請留止長者曰縱在百年會當歸去於是舉衆卻送長者入山至其龕所復語之曰去住常然耳汝等可各還家及衆旋踵之頃嵐霧四起景物不分行路之人

華嚴經論主李長者事迹

七

咸共駭異翌日長叟結徒登山禮候但見姿容端儼已坐化於龕中矣時當三月二十八日報齡九十六有一巨蛇蟠當龕外張目呀口不可向近眾乃歸誠致祝某等今欲收長者全身將營殯藏乞潛威靈願得就事蛇因攝形不現者舊潛泣攀荷擇地於大山之陰累石為墳蓋取堅淨即神福山逝多蘭若今方山是也初長者隱化之日及成墳之時煙雲凝布巖谷震蕩有二白鶴哀唳當空二鹿相叫連夕其餘飛走悲鳴滿山鄉原之人相率變服追攀孺慕若喪所天每當建齋即墳上雲起七七如是良足異夫長者

華嚴經論書述

九

平昔之時每年常於三月末間設十方賢聖淨會不以女人造食貴使觸事精誠至於棗核米泔不許輒棄齋畢任用犬彘徧嘗如斯之會遵承到今未曾廢絕至大曆九年二月六日有僧廣超於逝多蘭若度長者所著論二部一是大方廣佛新華嚴經論四十卷一是十二緣生解迷顯智成悲十明論一卷傳寫揚顯偏於并汾廣超門人道光能繼師志肩負二論同遊燕趙昭示淮泗使後代南北學人悉得參閱論文宗承長者皆超光二僧流布之功耳其為論也純貫經意標表法身廓性海於無邊歷剎塵而不動分

泮眾教極彼源流融鎔上乘會此華藏俾迷徑者獲道滯教者忘機可謂毗盧之指歸華嚴之日月矣若非聖人愍世降生開導昏瞶孰能條釋大典指授大心歟長者行止玄微固難遐究虛空不可等度況擬求邊際耶比歲僧元規特抵方山求長者遺迹初禮石墳次尋龕址龕前有松三株一已查立俱是長者手植長者將化之月一株遂枯至今二株常有靈鶴結巢於頂又於壽陽南界解愁村遇李士源者乃傳論僧廣超之猶子也示長者真容圖瞻禮而迴斯為滿願矣向之云云蓋在據實枝葉華蕐無所務焉雲

居散人馬支纂錄

大方廣佛新華嚴經合論目錄

序一

序二

論主事述

目錄

卷第一之第七

會釋

卷第八

世王妙嚴品第一之一

卷第九

世王妙嚴品第一之一

世王妙嚴品第一之一

卷第十

世王妙嚴品第一之一

卷第十一

世王妙嚴品第一之一

卷第十二

世王妙嚴品第一之一

卷第十三

世王妙嚴品第一之一

卷第十四

世王妙嚴品第一之一

卷第十五

世王妙嚴品第一之一

卷第十六

世王妙嚴品第一之一

卷第十七

世王妙嚴品第一之一

卷第十八

如來現相品第二

卷第十九

如來現相品第二

如來現相品第二

普賢三昧品第三

卷第二十

世界成就品第四

卷第二十一

華藏世界品第五之一

卷第二十二

華藏世界品第五之二

卷第二十三

華藏世界品第五之三

卷第二十四

毗盧遮那品第六

卷第二十五

佛名彌品第七

卷第二十六

佛名彌品第七之餘

卷第二十七

四聖諦品第八

卷第二十八

先明覺品第九

卷第二十九

光明覺品第九之餘

菩薩問明品第十

卷第二十九

菩薩問明品第十之餘

淨行品第十一

賢首品第十二之一

卷第三十

賢首品第十二之二

卷第三十一

賢首品第十二之三

昇須彌山頂品第十三

須彌頂上偈讚品第十四

卷第三十二

須彌頂上偈讚品第十四之餘

十住品第十五

卷第三十三

十住品第十五之餘

卷第三十四

梵行品第十六

初發心功德品第十七

華嚴經論目錄

十四

卷第三十五

初發心功德品第十七之餘

明渡品第十八

卷第三十六

明渡品第十八之餘

昇夜摩天宮品第十九

卷第三十七

夜摩天宮偈讚品第二十

十行品第二十一

卷第三十八

十行品第二十一之餘

卷第三十九

十無盡藏品第二十二

卷第四十

昇兜率天宮品第二十三

卷第四十一

昇兜率天宮品第二十三之餘

卷第四十二

兜率天宮偈讚品第二十四

十迴向品第二十五之一

華嚴經論目錄

十五

卷第四十三

十迴向品第二十五之二

卷第四十四

十迴向品第二十五之三

卷第四十五

十迴向品第二十五之四

卷第四十六

十迴向品第二十五之五

卷第四十七

十迴向品第二十五之六

卷第四十八

十迴向品第二十五之七

卷第四十九

十迴向品第二十五之八

卷第五十

十迴向品第二十五之九

卷第五十一

十迴向品第二十五之十

卷第五十二

十迴向品第二十五之十一

卷第五十三

十迴向品第二十五之十二

十地品第二十六之一

卷第五十四

十地品第二十六之二

卷第五十五

十地品第二十六之三

卷第五十六

十地品第二十六之四

卷第五十七

十地品第二十六之五

卷第五十八

十地品第二十六之六

卷第五十九

十地品第二十六之七

卷第六十

十地品第二十六之八

卷第六十一

十地品第二十六之九

卷第六十二

華嚴經論目錄

十七

十地品第二十六之十

卷第六十三

十地品第二十六之十一

卷第六十四

十地品第二十六之十二

卷第六十五

十地品第二十六之十三

卷第六十六

十地品第二十六之十四

卷第六十七

十定品第二十七之一

卷第六十八

十定品第二十七之二

卷第六十九

十定品第二十七之三

卷第七十

十定品第二十七之四

卷第七十一

十定品第二十七之五

十通品第二十八

華嚴經卷目録

十八

卷第七十二

十通品第二十八之餘

十忍品第二十九

卷第七十三

阿僧祇品第三十

壽量品第三十一

菩薩住處品第三十二

卷第七十四

佛不思議藻品第三十三之一

卷第七十五

佛不思議藻品第三十三之餘

如來十身相海品第三十四

卷第七十六

如來十身相海品第三十四之餘

如來隨好光明功德品第三十五

卷第七十七

如來隨好光明功德品第三十五之餘

普賢行品第三十六

卷第七十八

如來出現品第三十七之一

卷第七十九

如來出現品第三十七之二

卷第八十

如來出現品第三十七之三

卷第八十一

離世間品第三十八之一

卷第八十二

離世間品第三十八之二

卷第八十三

離世間品第三十八之三

卷第八十四

離世間品第三十八之四

卷第八十五

離世間品第三十八之五

卷第八十六

離世間品第三十八之六

卷第八十七

離世間品第三十八之七

卷第八十八

入瀟界品第三十九之一

華嚴經卷目録

十九

卷第八十九

入瀟界品第三十九之二

卷第九十

入瀟界品第三十九之三

卷第九十一

入瀟界品第三十九之四

卷第九十二

入瀟界品第三十九之五

卷第九十三

入瀟界品第三十九之六

卷第九十四

入瀟界品第三十九之七

卷第九十五

入瀟界品第三十九之八

卷第九十六

入瀟界品第三十九之九

卷第九十七

入瀟界品第三十九之十

卷第九十八

入瀟界品第三十九之十一

華嚴經卷目録

二十

卷第九十九

入瀟界品第三十九之十二

卷第一百

入瀟界品第三十九之十三

卷第一百一

入瀟界品第三十九之十四

卷第一百二

入瀟界品第三十九之十五

卷第一百三

入瀟界品第三十九之十六

卷第一百四

入瀟界品第三十九之十七

卷第一百五

入瀟界品第三十九之十八

卷第一百六

入瀟界品第三十九之十九

卷第一百七

入瀟界品第三十九之二十

卷第一百八

入瀟界品第三十九之二十一

卷第一百九

入瀛界品第三十九之二十二

卷第一百十

入瀛界品第三十九之二十三

卷第一百十一

入瀛界品第三十九之二十四

卷第一百十二

入瀛界品第三十九之二十五

卷第一百十三

入瀛界品第三十九之二十六

卷第一百十四

入瀛界品第三十九之二十七

卷第一百十五

入瀛界品第三十九之二十八

卷第一百十六

入瀛界品第三十九之二十九

卷第一百十七

入瀛界品第三十九之三十

卷第一百十八

入瀛界品第三十九之三十一

卷第一百十九

入瀛界品第三十九之三十二

卷第一百二十

入瀛界品第三十九之三十三

大方廣佛新華嚴經合論目錄

音切

審切開煥切賢榮且口督切修式六晦切內鑒

古創切創切搖切寢切七餘切繇切山形切工紺切

誕切早嘿切北備切秘皓切胡老軌切屈水範切詢

諒切力誼切淡切史編切有玄擅切視戰逮切徒載閱

暇切切詮七全軸切驅切俱探生紺餅切緬切

行漢藻切研切五堅切溫切馬牌切千標切假切

狴切抱切快切慙切輝切嶺切贊切傾切

虔切磨切磨切僕切慙切輝切嶺切贊切傾切

越切墨切曠切僕切慙切輝切嶺切贊切傾切

茂切英切集切作切縮切烏切爛切肝履切力九輪切

以我聯切然切恍切二音醉切時肥切非臍切女珍切

馱切徒切嚴切餉切失向葉切古光稍切所森切

翻音途切嚴切執切檢切屈冉勸切苦細覽切力聯切

邁切莫切註切怪切怪切曳切彗切發切孟切俱切

全類切果切必以枚切同稔切如性構切候切

馴切似切撫切武切俞切若舍蹲切在見駐切具良切

安切易切饌切士泰撤切直列沼切大紹葵切而發切

汝古樺切化跳切蘇珍惶切胡光側切楚力槍切先駭切

翌切與藏儼切宜檢呀切虎牙殞切刀潛切所舉切

核切半泔切古三寢切例汾切伏云泮切音旦瞑切

址切諸耳據切之石

巡按山西監察御史陳誠傳光宅閣施傳贊刻此
大方廣佛新華嚴經合論目錄一卷所集盡空徧界
同登華藏玄門攝諸含靈咸入毗盧性海
武塘比丘世南對長洲徐普書建陽鄒友刻
萬曆己丑冬十月八日五臺山妙德禪院識

大方廣佛新華嚴經合論卷第一

唐于闐國三藏沙門實叉難陀譯經

唐太原方山長者李通玄造論

唐福州開元寺沙門志寧釐經合論

論夫以有情之本依智海以為源合識之流總法
身而為體只為情生智隔想變體殊達本情亡知
心體合今此大方廣佛華嚴經者明眾生之本際
示諸佛之果源其為本也不可以功成其為源也
不可以行得功亡本就行盡源成源本無功能隨
緣自在者即此毗盧遮那也以本性為先智隨根

應大悲濟物以此為名依本如是設其教澤滂流

法界以潤含生於是寄位四天示形八相菩提場

內現闍若以始成普光法堂處報身之大宅普賢

長子舉果德於藏身文殊小男創啓蒙於金色以

海印三昧周法界而降靈用普眼之法門觀塵中

之利海依正二報身土交參因果兩門體用相徹

以釋天之寶網彰十刹以重重取離垢之摩尼明

十身而隱隱無邊刹境自他不隔於毫端十世古

今始終不移於當念其為廣也以虛空而為量其

為小也處極微而無跡十方無卷匪虧於小相之

中纖塵不舒含十方而非礙於智海果德殊分於

五位之門常住法堂示進修於九天之上此方如

是十刹同然聖眾如雲海會相入智凡不礙狀多

鏡以納眾形彼此無妨若千燈而共一室此經總

有四十品之勝典玄開果德之門百萬億之妙言

咸舉佛華之行海十身十會闡十十之法門十處

十方啓十通而疏十辯出現品內示因果以結始

終給孤獨園利人天之明法界目連驚子隔視聽

於對顏六千比丘啓十明於路上覺城東際五眾

咸臻古佛廟前同登十智善財發明導首用彰來

...

...

衆齊然又成五位法門具德行其軌範今使啓蒙
易達解行無疑還信首文殊之前正證妙峯之頂
經過五衆成一百一十之法門至慈氏之園結會
一生之佛果返示文殊之初友明以果同因後八
普賢之妙身彰體用圓極此經名大方廣佛華嚴
經者大以無方爲義方以理智爲功廣則毫利相
含佛乃體用無作華喻行門可樂能敷理事之功
嚴即依正莊嚴經即貫穿縫綴世主妙嚴品者菩
薩示生皆爲世主同臻海會故號妙嚴品者類會
同流法門均隔爲品此經總有四十品之勝典此

品之初故稱第一是故言大方廣佛華嚴經世主
妙嚴品第一

釋此一部之經總作十門分別第一明依教分宗
第二明依宗教別第三明教義差別第四明成佛
同別第五明見佛差別第六明說教時分第七明
淨土權實第八明攝化境界第九明因果延促第
十明會教始終

第一明依教分宗

夫如來成道體應真源理事二門一多相徹智境
圓寂何法不周只爲器有差殊軌儀各異始終漸

華嚴經合論卷一

三

頓隨根不同設法應宜大小全別時分因果延促
不同化佛本身施詮各異國土淨穢增減不同地
位果因自有投分創學之流未諳教跡執權成實
迷不進修若不咸舉衆宗類其損益無以了其迷
滯者矣今略分十法以辯闡猷使得學者知宗遷
權就實不滯其行速證菩提第一小乘戒經爲情
有爲宗第二菩薩戒爲情有及真俱示爲宗第三
般若教說空彰實爲宗第四解深密經爲不空不
有爲宗第五楞伽經五法三自性八識二無我爲
宗第六維摩經以會融染淨二見現不思議爲宗

第七法華經會權就實爲宗第八大集經以守護
正法爲宗第九涅槃經明佛性爲宗第十名大方
廣佛華嚴經以此經名一切諸佛根本智慈因圓
果滿一多相徹法界理事自在緣起無礙佛乘爲
宗已上分宗皆是承前所立宗旨設有少分
增減不同爲見解各別大意名目亦多相似如西
域及此方諸德各立宗教後當更明

華嚴經合論卷一

四

處橫計諸惡以教制之令生人天是故戒序云若
欲生天上及生人中者常當護戒足勿令有毀損
衆生有爲作業虛妄非實得故生人天無常虛妄
非實未得法身智身非爲實有宗且爲情有宗於
小乘中爲執持教也如華嚴經持戒即不然經云
身是梵行耶身業四威儀乃至佛法僧十衆七遮
和尚羯磨壇場等是梵行耶如是諦觀求梵行者
了不可得是故名爲清淨梵行如梵行品說如是
清淨行者名持佛性戒得佛法身故乃至初發心
時便成正覺以持佛性戒故與佛體齊理事平等

華嚴經合論卷一

四

混眞法界如是持戒不見自身能持戒者不見他
身有破戒者非凡夫行非賢聖行不見自身發善
提心不見諸佛成等正覺若好若惡若有少法可
得不名菩提不名淨行當如是觀如是性戒即法
身也法身者即如來智慧也如來智慧者即正覺
也是故不同小乘有取捨故
第二如梵網經菩薩戒爲情有及真俱示爲宗者
如來爲凡夫之中有大心衆生樂行慈悲有忻求
佛果者說盧舍那佛爲本身千百億爲化身頓令
識末還本故經言如是千百億各接微塵衆俱來

至我所又言若人受佛戒即入諸佛位位同大覺
已真是諸佛子即爲性戒故即爲真宗此乃爲大
心衆生頓示法身性戒下劣者得漸一教應二根
如是千百億各接微塵衆俱來至我所明捨權而
就實此爲實有教當教之內頓示權實故不同小
乘前亦無常後亦無常爲但生人天故雖然立實
有宗不同華嚴經毗盧遮那所說也此經仍隨化
身所化方來至本身也圓教之宗一下頓示本身
本法界大智報身因果理事齊彰又如華嚴經中
世界量與梵網經中蓮華形量亦不同廣狹全別

廣如下文所說

第三般若教爲說空彰實爲宗者爲如來初爲人
天凡夫說二乘教繫著理事俱實不能離障爲說
空教破所繫著故般若經中說十八種空法世間
三寶四諦三世等一切皆空空亦空廣如經說此
乃空卻無明諸障等業無明總盡障業皆無自性
涅槃自然顯著此爲真有不名空宗雖然爲真有
所說教門多有成壞故未可爲圓如華嚴經具報
相好莊嚴能虛能實當部之內當品之中十十菩
薩等上下自相輪貫空有之法不獨孤行又以普

華嚴經合論卷一

六

賢文殊上下交參理事相徹互相交映一部之典
品品相徹句句相參一品之中四十品經同入一
言之內十萬頌之齊靡一成即一切成一切壞即一
切壞總以性齊時齊行齊故如上等齊說法亦齊
如是齊故如今成佛與三世佛齊成佛故爲無三
世故爲無時故不同彼教成壞別時故因果前後
故
第四解深密經爲不空不有宗者如來說於有教
空教之後說此一部之教和會有無二見爲不空
不有即說九識爲純淨無染識如瀑水流生多波

浪諸波浪等以水為依五七八等識皆以阿陀那識為依故如彼波浪以水為依如深密經云如善鏡面若有一影生緣現前唯一影起若二若多影生緣現前有多影起非此鏡面轉變為影亦無受用滅盡可得此明五七八識所依第九淨識處也又云如是菩薩雖由法住智為依止為建立故此經意欲令於識處便明識體本唯真智故如彼瀑流不離水體而生波浪又如明鏡依彼淨體無所分別含多影像不礙有而常無故如是自心所現識相不離本體無作淨智所現影相都無自

華嚴經合論卷一

他內外等執任隨智無所分別以破空有二繫為不空不有故深密經頌曰阿陀那識甚深細一切種子如瀑流我於凡愚不開演恐彼分別執為我阿陀那識甚深細者引彼凡流就識成智不同二乘及漸始學菩薩破相成空不同凡夫繫而實有不同彼故不空不有何法不空為智能隨緣照機利物故何法不有為智正隨緣時無性相故無生住滅故以是義故名不空不有此經雖復如是於心識之處今知空有無二華嚴經則不然但彰本身本法界一真之根本智佛體用故混真性相

法報之海直為上上根人頓下佛果德一真法界本智以為開示悟入之門不論隨妄而生識等法華經以佛智慧示悟眾生使得清淨故出現於世故不為餘乘若二若三又三乘之人於佛性相之法如來不許彼知解故法華經云種種性相義我及十方佛乃能知是事舍利弗辟支佛及不退諸菩薩皆悉不能知以法華經會三乘權學來歸佛乘實法界故門前三駕且受權乘露地白牛方明實德以此義故於中有少分義意與華嚴經相符龍女即是所乘白牛之乘又與善財同其所得是

故華嚴教門直彰本體用法界佛果門直授上根凡夫令其悟入不同深密經中安立五七八九識施設權門如深密經權施第九阿陀那識意有異途為二乘之人久厭患生死修空滅識直趣空寂又第二時說般若等教為迴二乘及漸學菩薩多說空破有以六波羅蜜為行所乘於中二乘雖少分迴心及漸學菩薩樂空增勝為彼權學菩薩初對治門還與小乘初對治門少分相似但有一分慈悲增勝未證法身佛性根本智等道理但以空門而為所乘六波羅蜜而為行相初對治門還

同二乘無常不淨白骨微塵等觀方入空觀二乘趣滅苦薩留生以空無我等觀折伏我法不令增長元來未是法身佛性根本智為見未直故樂空增勝以是義故解深密經方便安立七八識外別說九識為純淨識云七八識以淨識為依止故未即直為說第八種子識為如來藏者為彼學徒畏苦習故若說業種恒真生怖難信故故權且安立第九阿陀那識為淨識故欲令不滅識性長大菩提是故維摩經云未具佛法亦不滅受而取證也受既不滅想識亦然如楞伽經直為根熟者說

華嚴經合論卷一

九

第八識業種為如來藏下文更明維摩經云塵勞之疇為如來種等夫修道之士品類異途解行差殊千端萬別除二乘之外菩薩之乘有四品不同一修空無我菩薩二漸見佛性菩薩三頓見佛性菩薩四以如來自性清淨智以五位加行起差別智滿普賢行成大慈悲菩薩究竟不出剎那際充滿十方佛果門此略示名目下文廣明如華嚴經說有一類菩薩經百千億那由他劫行六波羅蜜不生佛家猶名假名菩薩廣會在下文以雖見佛性未彰智業猶名假名菩薩

第五楞伽經以五法三自性八識二無我為宗者彼經於南海中楞伽山說如來於此山下過羅婆那夜叉王與摩諦菩薩乘華宮殿來請如來於此山上說法其山高峻下瞻大海傍無門戶得神通者堪能昇往乃表心地法門無修無證者方能昇也下瞻大海表其心海本自清淨因境風所轉識浪波動欲明達境自空心海自寂心境俱寂事無不照猶如大海無風日月參羅煥然明現彼經意直為根熟菩薩頓說種子業識為如來藏異彼二乘滅識趣寂者故亦為異彼般若修空菩薩樂空

華嚴經合論卷一

十

增勝者故直明識體本性全真便成智用故如彼大海無風即境界更明心海法門亦復如是了真即識成智此經異彼深密經意別立九識接引初根漸令留惑長大菩提故不令其心植種於空亦不令其心如彼敗種解深密經乃是入惑之初門楞伽維摩直示惑之本實楞伽即明八識為如來藏淨名即觀身實相觀佛亦然淨名與楞伽略同深密經文與此二部少別也如華嚴經不爾佛身及境界法門行相懸自不同說彼楞伽經即是化身所說境界即是穢土山峯所居法門說識境界

為真問答即以大慧菩薩為首化身明教是權大慧且論簡擇如華嚴經教佛身即是本真法報境界即是華藏所居法門即是佛果法界為門問答即是文殊普賢理事智之妙用五位行相因果互融十利十身體微相入若論同別未可具言更待下文依位廣辯

第六維摩經不思議為宗者維摩經與華嚴十種別一種同別者一淨土莊嚴別二佛身諸相報化別三不思議德神通別四所設法門對根別五諸有聞法來眾別六設教安立法門別七淨名菩薩

建行別八所闡法門處所別九常隨佛眾部從別十所付法藏流通別一同者入道方便法門略同一淨土莊嚴別者如維摩經中所說淨土如來以足指按地即三千大千世界若干百千珍寶嚴飾譬如寶莊嚴佛無量功德寶莊嚴土一切大眾歡未曾有而皆自見坐寶蓮華而未說無盡佛刹莊嚴等事在一毫塵中如華嚴經中具說十佛毗盧遮那境界十蓮華藏世界海一一世界海有無盡世界海重重相入一塵之內有無盡世界海圓滿十方佛境界眾生境界互相涉入不相障礙眾寶

莊嚴如光如影廣如經說不但獨言三千大千世界之所嚴淨二佛身諸相報化別者說此維摩經是三十二大人之相化佛所說說華嚴經佛是九十七大人之相及十華藏世界海微塵數大人之相實報如來之所說也三不思議德神通別者如維摩經說菩薩神通以須彌之高廣內芥子中能以四大海水入一毛孔又小室之內能容三萬二千師子之座各各高八萬四千由旬八千菩薩五百聲聞百千人維摩詰置其右手掌擎其大眾往詣菴園又以手斷取東方妙喜佛國來至此土

示於大眾送還本處如是神變且為權學三乘聲聞菩薩等眾現如斯事何以故為權教聲聞菩薩等見道未實自他未亡所現神變依根所見皆有往來分劑限量又是一時之間聖意以神力變化起諸小根令漸增進故非是法爾力故如華嚴經中以本法力法如是故能以一塵之內含容十方一切佛刹眾生刹總在塵中世界不小微塵不大十方世界所有微塵一一塵中總皆如是如經所說菩薩於一小眾生身中成等正覺廣度眾生其小眾生不知不覺當知佛以權教引小根故身外

見佛現神通力而有來去實教之中以自本覺自覺本心身心性相與佛無異無有內外往來諸見是故毗盧遮那佛不移本處而身徧坐一切道場十方來眾不移本處而隨化往都無來去亦無神力所致是故經言法如是故經中每言以佛神力及法如是力者以佛神力推佛為尊法如是故推其本德都無變化一一國刹身心性相以依本故不隨妄故大小諸境皆如光如影互相映徹周徧十方都無往來都無分限即一一眾生身諸毛孔之內周徧十方不同權教以其神力分劑往來攀

來送去致斯妄見違本法身障真菩提本覺性智是故淨名菩薩現斯神變已方陳實教維摩經云觀身實相觀佛亦然我觀如來前際不來後際不去今則不住如阿閼佛品廣明是故權教小見樂欲希奇菩薩稱稱根塵施接引令生樂學方授實門不可以執化成真恒迷智眼識權就實遷入法界之門有作之法難成隨緣無作易辦作者勞而無功不作隨緣自就無功之功不虛棄有功之功功皆無常多劫積修終歸敗壞不如一念緣起無生超彼三乘權學等見四所設法門對根別者彼

維摩經對二乘根今迴向菩提入大乘故又對大乘中滯津菩薩悲智未滿者今進修故即如眾香世界諸來菩薩眾欲還本土請佛世尊願賜少法如來依根見彼菩薩滯於淨土悲智心劣便為說法今學有盡無盡解脫門下文云不離大慈不捨大悲深發一切智心而不忽忘教化眾生終不厭倦於四攝法常念順行在諸禪定如地獄想於生死中如園觀想見來求者如善師想廣如維摩經說彼經對二乘三乘悲智未滿今且漸修增長悲智未印一下頓示佛門未即說言十住初心便成

正覺未即示其廣大妙事皆有分劑故五諸有來眾聞法別者如維摩經中所有來眾除文殊慈氏等大菩薩眾舍利弗等影響聲聞餘外來眾總是三乘之中權學之眾設有於中菩薩生於諸趣同類俱來皆欲成就三乘權學漸令增進未說圓滿諸佛本乘如華嚴經中所有來眾皆是乘如來乘佛智果德自體法身具普賢行而隨影現十方刹海一切道場還成如來所乘本法無有一箇三乘根機設有三乘根機如盲如聾不知不覺猶如盲人對於日月猶如聾人聽天樂音如業貧人對

寶藏如大福德處於地獄亦如餓鬼臨大海邊三乘之器道力未窮未迴心者常居法界海中諸佛境界與佛同德同身終不能信不覺不知別求佛見如華嚴經云佛子設有菩薩於無量百千億那由他劫行六波羅蜜修習種種善法若未聞此如來不思議功德法門或時聞已不信不解不順不入不得名為真實菩薩以不能生如來家故當知聞法眾全別維摩經中娑婆之眾彼此未亡香積諸徒垢淨全在當知此類並是見解未真守一方之淨利雖名菩薩諦道未圓如是之徒未詳

佛意雖有忻菩提之志願滯淨利以居心彼與法身智身懸隔是故法華經云不退諸菩薩其數如恒沙亦復不能知即如華嚴之眾自身與佛身無別自智與佛智無差性相含容一多同別居法界海之智水示作魚龍住涅槃之大宅現陰陽而化物主伴自在交映相參師弟互融因果通徹並是如斯之眾也六設教安立法門別者彼維摩經以淨名居士現少許不思議之通變今二乘迴心又處於生死現身有疾今知染淨無二又表菩薩大悲有疾菩薩具陳不二之門建定慧觀智用彰不

求之法最要故云夫求法者於一切法應無所求然未似華嚴經具陳十住十行十迴向十地等覺五位六位行相因果同別法門七淨名菩薩示行別者淨名為表大悲示入生死現其病行華嚴經毗盧遮那以大悲示入生死現其病行華嚴經出世故八所聞法門處所別者說維摩經在毗耶離城菴羅園及在淨名之室說華嚴經在摩竭國菩提場中及一切世界及一切塵中說九常隨佛眾別者說維摩經時聲聞為常隨佛眾但具五百說華嚴經時總是一乘大菩薩眾為常隨佛眾具

華嚴經合論卷一

七六一

十佛刹微塵大衆總是具普賢文殊體用等眾十所付法藏流通別者彼維摩經囑眾品中說佛告彌勒菩薩言彌勒我今以是無量億阿僧祇劫所集阿耨多羅三藐三菩提法付囑於汝故即以其經付囑已成菩薩已生佛家者華嚴經如來出現品中付囑流通即以其經法付囑凡夫初心始能見道生在佛家者何以然此經難入許人能證以自證故方堪能說表三乘是權但以聖勸修證所有得法未成實故所有說法者亦未實故華嚴經云此經珍寶不入一切餘眾手唯除如來法王

真子生如來家種如來種諸善根者佛子若無此等佛之真子如是法門不久散滅問曰若計佛之真子即十方世界無盡無邊以世界微塵莫知其數何須慮此經若無真子即便散滅答曰此經意者付囑凡夫今覺悟入此法門故今生佛家使其轉教佛種不斷即凡夫今得入真之境若囑累諸大菩薩凡夫無緣諸聖自明無凡夫修學者凡夫道中佛種即斷此經散滅以此義故付囑凡夫今修不付已前大菩薩舊見道者一入道方便同者維摩經云夫求法者於一切法應無所求乃至觀

身實相觀佛亦然我觀如來前際不來後際不去今則無住等是初觀智門略同於入道行相門戶次第軌則全別廣如下明

第七法華經會權入實為宗者此經引彼三根之人歸一乘實教故引眾流而歸大海攝三末而還源藏法師等前諸大德會為共教一乘為三乘同聞故華嚴經為別教一乘為不與三乘同聞故參詳此理會此二門法華經引權器以歸真華嚴者顯示大根而直受雖一乘名合法事略同論其軌範有多差別今欲備舉事廣難周略舉十門用知

偈曰十門者一者教主別二放光別三國土別四請法主別五大會莊嚴具化別六序分之中列眾別七龍女轉身成佛別八龍女成佛所居國土別九六千之眾發心別十受諸聲聞遠記別一教主別者說此法華經即是化身佛說還過去滅度多寶佛來證成此經三世諸佛同共宣說如華嚴經即不然教主即是毗盧遮那為教主故即是法報理智真身具無量相海功德之身之所莊嚴三世諸佛同為一際一時一法界報相重重無有障礙古今一際非三世故舊佛非過去今佛非新出為

華嚴經合論卷一

十八

根本智性相齊理事不異故如是本佛說本法頓受大根故不是化佛故不似法華經有舊佛滅度多寶如來今佛出世說法華經以是義故言教主別二放光明別者說法華經雖放眉間毫相光所照境界但言萬八千土皆如金色仍有有限量不稱無邊無量無盡故但彰果法不彰因位華嚴一部經典教行因果表法光明始終具十後當更明三國土別者說法華經時三變世界今成淨土移諸天人置於他土然後安置他方來眾變此穢境今成淨刹說華嚴經時即此娑婆世界即是蓮華

藏世界一一世界互相含入經云一一世界悉十方方入一亦無餘世界不增亦不減無比功德故如是又云諸佛成道在一小眾生身中化無量眾其彼小眾生不知不覺只為凡聖同體無移轉相續塵之內自他同體不同法華之會移轉人天方明淨刹此是對權根乃分自他滯見者之所建立是故今明國土別也四請法主別者說法華經時請法主者即是舍利弗以為勸請之首說華嚴經時佛令文殊普賢隨位菩薩各自說自位法門為說法首佛表果法果果為因起大悲行成根本

華嚴經合論卷一

五

智果體自成故無言不說也以大悲行從無作根本智起故文殊普賢表因位可說佛果法示悟眾生阿僧祇品世間數法廣大難量唯佛究竟不屬五位中因果門故是佛自位內法門還佛自說隨好光明功德品即是如來自成因果後自說佛法法爾之力恒常福智光明之法門亦不屬五位之內行相因果故佛亦自說此明佛果無二愚也除此二品經外諸餘三十八品皆是五位之內行相法門是故佛不自說總令十信十住十行等當位之內菩薩自說佛但放光表之其所放光表法之

相後當廣明當說華嚴經時一無聲聞及小菩薩為請法主皆佛果位內諸大菩薩自相問答安立佛果法門行相為悟大根者故頓將佛果直受為因因即以果為因果即以為果如種種種子等以定慧力思之可見是故今言請法主別五大會莊嚴真化別者如法華會令三千大千世界清淨莊嚴其諸化眾亦皆充滿所來諸佛皆云是化華嚴經即不爾即有十處十會眾皆滿十方不移本處而克法界一一身相及身毛孔國刹重重菩薩佛身互相徹入雜類眾生亦皆無礙身土相徹如影

含容所來之衆不壞法身而隨相好法身相好一際無差即相全真無有化也而不同餘教說化說真有相參會是故今言大會別也六序分之中列衆別者法華會中先列聲聞衆萬二千人俱次列摩訶波闍波提與眷屬六千人俱此爲姨母六千人俱次列耶輸陀羅比丘尼此是佛爲太子時夫人佛爲太子時有三夫人一名瞿夷二名耶輸三名摩奴舍瞿夷是善財童子十地法雲地善知識表十地法悅能慈故爲法利生法悅身心是其妻義次列菩薩八萬人俱次列諸天龍鬼等華嚴經即

不然先列菩薩上首有十佛世界微塵數不論其從者次列執金剛神衆已後諸神龍天等衆部類總有五十五衆一一部從各別各部從各有佛世界微塵數衆或有部從直言無量且於初會通菩提場衆有五十五部衆其於十會之衆後當更明大意論之佛身衆海無邊法界以重重一一諸身普含容而無際一身即以法界爲量自他之境都入法界即自身遍周能所之情見絕約略論之如是十會列衆後當更明從初至八會都不聞聲聞之名九會之中始有比丘三衆至位方明行相

華嚴經卷一

三十一

七龍女轉身成佛別者如法華經龍女於刹那之際即轉女身具菩薩行南方成佛如華嚴經即不然但使自無情見大智逾明即萬法體真無轉變相如維摩經中含利弗謂天女曰何故不轉女身天女謂含利弗我十二年來求女人相了不可得當何所轉如菴提遶女謂含利弗自男生我女當知萬法本自體如有何可轉如華嚴經入法界品中善財童子善知識殊普賢比丘比丘尼長者童子優婆塞童女仙人外道五十三人各各自具菩薩行自具佛法隨諸衆生見身不同不云有轉

若以法眼觀無俗不真若以世間肉眼觀無真不俗以法華經對權教三根見未盡者今成信種且將女相速轉成佛今生奇特方始發心趣真知見不堪本法而起善根此明且引三權今歸一實又破彼時劫定執三僧祇今於刹那證三世性本來一際無始無終稱法平等裂三乘之見網撤菩薩之草菴令歸法界之門入佛真實之宅故今龍女成佛明非過去久修年始八歲又表今非舊學轉女時分不逾刹那具行佛果無虧毫念法本如是自體無時權學三根自將見隔自迷實法返稱爲

華嚴經卷一

三十二

化不知躬已本事如斯全處宅中猶懷帶見云何界外懸指僧祇此見不離定垂永劫迴心見謝方始舊居何如今時滅諸見業徒煩多劫苦困方迴如華嚴經法界緣起門明凡聖一真猶存見隨見在即凡情亡即佛稱性緣起俯仰進退屈伸謙敬皆菩薩行無有一法可轉變相有生住滅是故不同龍女轉身成佛八龍女成佛所居國土別者即言南方無垢世界非此娑婆解云心得應真故稱無垢正順本覺故號南方爲南北爲正故又南爲明爲虛南爲萬萬中虛八卦中萬法心心虛無故

則明還依世俗八卦表之餘方雖無八卦之名其方法是一法也故雖然理如有理即有事故還須有國衆所歸依若有別住南方自他彼此猶隔此乃猶順三乘分引權根而生信解還就佛乘故爲三乘餘執勢分難推且有一分迴心自他之情未絕頓印法界之體不同華嚴自他相徹一一微塵之內住因陀羅網之門是故今言所居國土別九六十之衆發心別者如法華經云龍女成佛時娑婆世界菩薩聲聞衆皆遙見龍女成佛普爲時會人天說法心大歡喜悉遙敬禮又下文娑婆

世界三千衆生住不退地三千衆生發菩提心而得受記智積菩薩及舍利弗一切衆會默然信受雖智積菩薩及舍利弗而爲智士寄在迷流爲利啓蒙故遣教行益濟凡學今成軌躅既娑婆之衆皆遙敬禮六十發意彼此未入但順三乘權學有爲菩提未得普門法界本覺菩提自他同體以此義故故有遙敬禮華嚴經即不然即以普門法界普見法門如來藏身三昧之境因陀羅網莊嚴法門世界海深重重妙智一時同得爲一證一切證一斷一切斷故即自身之內有十身諸佛利海莊

嚴佛身之內即自身之境重重隱現十方世界法爾如斯猶如衆流歸於大海雖未入海潤性無差若入大海皆同鹹味一切衆生亦復如是迷之與悟雖然有殊本來佛海元本不異云何法華經中娑婆之衆有遙敬禮以此事儀法則與華嚴全別只如法界品內六千之衆刹那十眼逾明五百小童一生十身咸證餘衆皆爾善財南詢諸友佛果文殊慈氏已圓復入普賢之身海漩漩門總備理事齊亘無法不彰法界既處處中何得有遙敬禮是故今言六千之衆發心別十校聲聞遠記別者

華嚴經卷一

三十三

爲法華之中龍女雖復頓印法界無時之門全彰佛果三乘權學雖有信順之心餘風未殄未能頓證遠劫方登故受遠記不同華嚴迷即處凡悟即是佛設有餘習以佛知見而用治之無佛知見但成折伏不得入佛駛水之流還經遠劫方能入也爲三乘之初信心根下劣故不能離縛籠繫煩多樂著生死雖求出世根器下劣滯住退還如來於是生老病死無常不淨剎那滅壞念念不住如是等觀使令觀之今生厭離捨厭心成心居淨穢如來於化教之中爲此根故雖復勤修悲智以求